



বাচ্ছাগিলদর জনো বাইবেল উপস্থিত

ভগবান সেলা তামানগিলা বানাইলেক



কায় নেথিসে: Edward Hughes
ব্যখ্যা করিচে : Byron Unger; Lazarus

ভাষা পাটে দিসে: রমেস রায়
উদাহরন দিয়া বুঝাইসে : Bob Davies; Tammy S.

৬০টি গল্পগিলার মধ্যে ১ টা

www.M1914.org

Bible for Children, PO Box 3, Winnipeg, MB R3C 2G1 Canada

অনুবোতি: এ গল্পটার একখান কপি তোরঠে রাখির পারিস বা
ছাপাকোরা পারিস, কিন্তু বেচেবার পারিস না।

রাজবংশি


Rajbanshi

কায় হামারলাক সৃজন করিল? বাইবেলোত ভগবানের কতাগিলা
হামারলায় কইচে কেং করিয়া মানশি জাতির গতি হইল।
সগারো আগোত আদমোক সৃজন করিল। ভগবান যেলা উয়ার
মধ্যত জিউ দিল সেলা উয়ায় বতায় ছিলেক। উয়ায়
নিজেকে এদেন বাগানত দেখিল।




1

আদমোক সৃজন করির আগোত উয়ায় এই চক দুনিয়াটা
বানেয়া ভর্তি করিছে দারুণ জিনিস দিয়া।




2

ধাপে ধাপে ভগবান বানাইছে পহাড় জাগা, বড় ঘাসের জাগা, ভালো গন্ধের ফুল, এবং বড় বড় গাছ, জ্বল-জ্বল করা পাথনাওয়ালা পাখি এবং গুন-গুন করিয়া গান করা মোমাছি, জলোত খেলা করা তিমি মাছ এবং পিছলা শামুক। এতগিলা ঘটনার মধ্যতে ভগবান তামানলায় সৃজন করিছে।



3

সৃজনের সময়, সোগলায় সৃজনের আগেতে ঐটিকোনা ভগবান ছাড়া আর কাণ্ডায় ছিলেক না। না মানসি অথবা না জায়গাখান অথবা কোনো জিনিস পাতি ছিলেক না। কোনো আলো অথবা আন্ধার ছিলেক না। উচ্চা এবং খাল ছিলেক না। গতকাল বা আগামি কালো চিলেক না। খালি ভগবান ছিলেক। উয়ায় উয়ার কোনো আরম্ভ চিলেক না। ইয়ার পাছত ভগবান সোঁগলায় করিছেন। পথমে ভগবান স্বর্গ ও দুনিয়াটা বানাছে।




4

দুনিয়াটা ছিলেক নিরাকার ও বড় ফাঁকা। আন্ধার মারাত্মক ছিল। ইয়ায় ভগবান কতা কবার ধরিল, “আলো হোক”।




5

ওঠেকোনা ফঠফঠা হইলেক। এই ফঠফঠার নাম রাখিল দিন আর আন্ধারের নাম রাখিল রাত। সন্ধ্যা আর সকালের মধ্যত হইল পথম দিন।



6

২-রা দিনোত ভগবান সমুদ্র থাকিয়া জল আনিলেক। দেওয়াক নিচাত সমুদ্র আর হ্রদ বানাইল। ৩-রা দিনোত ভগবান কইলেক, “শুকান ঘাসের জাগা হউক আর ঐটা হইলেক”।




7

ভগবান আদেশ করিল ঘাসক, ফুলক, নানান নাখান ঔষদের গাছক উটিবার আর সব হইল। সন্ধ্যা আর সকালের মধ্যত হইল তৃতীয় দিন।




8

ইয়ার পাছত ভগবান সূৰ্য ও চাঁদ সৃজন করিলেক আর অনেক গিলা তারা সৃজন করিল যা কাহারো পক্ষে গনা মুশকিল। আর আন্ধার ও সকাল হইলে ৪-টা দিন হইলেক।




9

তার পাছত ভগবান অথবা ঈশ্বরের সমুদ্র নানান নাথান জন্তু জানোয়ার, মাছ আর পখী গিলাক সৃজন করিলেক। ৫-ম দিনোত ভগবান ডিগিলা সুর ওয়ালা মাছ আর বাচ্ছা-বাচ্ছা এমে নাথান মাছ, ডিগিলা ঠেংওয়ালা উট পাখি আর সুন্দর গান করার পায় এই নাথান ছোট-ছোট পখীগিলা সৃজন করিলেক।



10

ভগবান নানান নাথান মাছে সমুদ্র ভর্তি করির নাগিল আর নানান নাথান পখী সৃজন করিলেক-যেইলা শারা আকাশ আর বাতাস আনন্দোতে ভাসেয়া দিলেক। আর আন্দার ও শকাল হলে ৫-ম দিন হইলেক।



11

ইয়ার পাছত ঈশ্বর আরও কহিলেক, “মাটি খানত নানান জাতের জন্তু জানোয়ার অথবা নিজের নিজের জাতের গেরামের জন্তু, সরিসৃপ ও জংগলের জন্তু সৃজন করুক-তাতে ঐ নাথান হইলেক। ইয়াতে মাটি কাপায় এই নাথান হাতি আর ভাল্লুক আছিলেক। দুশু বান্দোর ও নিদয়া কুমীর, বাকানো পোকা মাকর আর কাঠবিড়ালীর নাথান জন্তু, ডিগিলা গলার জিরাফ ও ভাল বিড়ালের বাচ্ছা। এ দিনোত ভগবান নানান নাথান জন্তু সৃজন করিলেক। সন্ধ্যা ও সকাল হলে ৬-টি দিন হইলেক।



12


৬-শঠ দিনোত ঈশ্বর বিশেষ কিছু সৃজন করিলেক। এলা মানসির জন্য তামান গিলা সৃজন করিলেক। দুনিয়াত আনকলা খাবার ও জন্তু জানোয়ার সৃজন করিলেক। আর ভগবান কহিলেক, “হামরা হামারে নাথান করি মানষি বানাই-যাতে

উমুরালা দুনিয়া টাক বশে রাখির পায়।” এজনো ভগবান নিজের নাথান করি মানষি সৃজন করিলেক। ঈশ্বরের নিজের নাথান করিয়া আদমক সৃজন করিলেক।



13

ভগবান আদমের সাথোত কতা কহিলেক।এ বাগানটার তোমরা যেইলা ইচ্ছা তামান গাছের ফল খাও কিন্তুক ভালো মন্দের যে গাছটা আছে তার ফলটা খান না। যদি তোমরالا ঐ গাছটার ফল খান তাহলে মরিয়া যাবো।



14

আর ঈশ্বর কহিলেক, মানসির
একলা থাকা ভাল নাই। মুই
উয়ায় এক জন সঙ্গিনী বানাইম।
ভগবান তামান পখি ও জন্তু
জানোয়ারোক আদমের আগোত
আনিলেক। আদম উয়ার
সউগলারে নাম রাখিলেক।



15

উয়ায় খুবই চলাক আছিল
তাই তামান জন্তু জানোয়ারোর
নাম রাখির পাইচে। কিন্তুক
তামান জন্তু জানোয়ার আর
পখীদের মধ্যত কাহাকেও
আদমের মতোন সাখি
পাইলেক না।



16

ঈশ্বর আদমোক দারুন নিন্দোত
পেঠালেক। নিন্দোতে আদমের
একখান বুকের বাতা দিয়া হবা
নামে একজন স্ত্রী মানসি
বানাইল। ঐ বেটি ছাওয়াক
আদমের জীবনের সঙ্গিনী
করিয়া সৃজন করলেক।



17

ভগবান তামানলায় সৃজন করিলেক ৬শ্ঠ দিনোত।
ইয়ায় পাছত ঈশ্বর ৭-তম দিনটোক আশুবাদ
করিলেক আর বিশ্রামবার হিশাবে বানাইল।
ভগবানের বাধ্য ছাওয়ার মতম আদম
ও হবা বেশ শান্তিতে আছিলেক। ঈশ্বর
হইলেক উয়ারলার দেওয়াইয়া
আর বন্ধু।



18

ভগবান সেলা তামানগিলা বানাইলেক

ভগবানোর গল্পগিলা হামরা বাইবেলোত দিখিবার পাই

আদিপুস্তক ১-২

“ভগবানোর কতা জ্যোতী আনে।”

গীতসংহিতা ১১৯:১৩০

ভগবান জানে যে হামরা সব সময় খারাপ কাজ
করি আর উয়ায় ইয়াক পাপ কইচে। পাপের বেতন মরন।

কিন্তুক উয়ায় হামারলাই এমন ভালবাসিলেক যে উয়ার একমাত্র
বেটাক- (যীশুক) এই দুনিয়াত পাঠেয়া দিচে যেন উয়ায় হামার আর
তোর পাপের যাদে ফুশত শাস্তি পাই আর মরে। কিন্তুক যীশু আবার
জিবিভ হইলেক আর স্বর্গত, তার আসল বাড়িত চলি গেইলেক! এলা
ভগবান হামার পাপ ক্ষমা করির পাই।

যদি তুই নিজের পাপের ঘট্টা থাকি
ফিরিবার চাইস তাহলে ঈশ্বরক তুই কবার পারিস।

প্রিয় ভগবান, মুই বিশ্বাস কর যে যীশু মোর পাপের যাদে মরিচে আর
আবার ফিরিয়া আসিচে। দয়া করিয়া মোর জিবনোত আসিয়া মোর পাপ
ক্ষমা করে দিস যাতে মুই নতুন জিবন পাই, আর এক দিন তোরে
জাবার পারি চিরকালের দিনোত। মক সাহায্য কর যাদে মুই তোরে বাধ্য
হয় আর তোরে বেটা হিশাবে বাচিবার পাও। আমেন।

প্রতিদিন বাইবেল পর আর উয়াক সখে কতা কও!